

IZVJEŠTAJ O TRANSPARENTOSTI
za period 01.01.2025 – 31.12.2025. godine
Društvo za reviziju „REVIZIJA FENIKS“ d.o.o. Sarajevo

Sadržaj

1. Uvod	3
2. Opis pravne forme i vlasništva društva za reviziju	3
3. Opis upravljačke strukture društva	3
4. Opis sistema interne kontrole kvaliteta društva za reviziju	4
5. Eksterna provjera kvalitete rada društva za reviziju	6
6. Popis subjekata od javnog interesa kod kojih je društvo izvršilo reviziju	6
7. Izjava o procedurama i neovisnosti rada društva	6
8. Izjava o politici društva za reviziju u vezi sa kontinuiranim profesionalnim usavršavanjem licenciranih ovlaštenih revizora	7
9. Finansijske informacije o ostvarenim prihodima	7
10. Informacije o parametrima za utvrđivanje zarada ovlaštenih revizora koji potpisuju izvještaje o obavljenim revizijama subjekata od javnog interesa	8

1. UVOD

Ovaj izvještaj o transparentnosti objavljuje se u skladu s odredbama člana 82. Zakona o računovodstvu i reviziji (Službene novine FBiH broj 15/21) – u daljem tekstu: Zakon.

2. OPIS PRAVNE FORME I VLASNIŠTVA DRUŠTVA ZA REVIZIJU

Društvo za reviziju „REVIZIJA FENIKS“ d.o.o. Sarajevo osnovano je 2025. godine kao društvo sa ograničenom odgovornošću (u daljnjem tekstu Društvo). Društvo je upisano je u sudski registar nadležnog suda pod matičnim brojem: 65-01-0132-25.

Identifikacijski broj Društva je 4203458700004.

Društvo je registrovano za obavljanje računovodstvene, knjigovodstvene, revizijske djelatnosti i porezno savjetovanje, te je razvrstano pod šifru djelatnosti 69.20 prema klasifikaciji djelatnosti Zavoda za statistiku FBiH.

Osnivači Društva su: Adis Hatibović, sa ulogom u osnovnom kapitalu Društva od 51%

Adisa Hajrić, sa ulogom u osnovnom kapitalu Društva od 49%.

Društvo posluje samostalno i ne pripada grupi.

3. OPIS UPRAVLJAČKE STRUKTURE DRUŠTVA

Članovi Društva osnivača čine Skupštinu.

U Društvu se ne formira Nadzorni odbor. Nadzorni odbor će se formirati ukoliko Društvo bude imalo - više od 10 članova ili ako osnovni kapital u Društvu bude u iznosu većem od 1.000.000 KM i najmanje 2 člana.

Upravu Društva čini direktor Društva: Adisa Hajrić, direktor bez ograničenja ovlaštenja.

Revizijske izvještaje potpisuju ovlašteni revizori Društva.

Ovlašteni revizori Društva su:

- Adis Hatibović, počevši od 01.03.2025. godine, na neodređeno vrijeme
- Pidro Elvira, počevši od 01.10.2025. godine, na neodređeno vrijeme.

4. OPIS SISTEMA INTERNE KONTROLE KVALITETA DRUŠTVA ZA REVIZIJU

Sistem interne kontrole kvaliteta u Društvu osigurava se kroz usvojenu metodologiju i procedure za provođenje revizije, kao i primjenu odredbi Pravilnika o metodologiji revizije finansijskih izvještaja.

Društvo je razvilo i usvojilo interne politike kontrole kvaliteta koje se temelje na standardima izdatim od strane Međunarodne federacije računovođa (IFAC), uključujući i Međunarodni standard kontrole kvaliteta 1 (ISQC 1).

Pored zahtjeva koje postavlja ISQC 1, sistem kontrole kvaliteta prilagođen je i pravilima i standardima koje propisuje Revizorska komora FBiH.

Naše politike obuhvataju sve ključne elemente kontrole kvaliteta s ciljem da partneri i zaposlenici djeluju sa integritetom i objektivnošću, te da profesionalno i odgovorno izvršavaju svoje zadatke, u potpunosti u skladu s važećim zakonima, propisima i profesionalnim standardima.

U nastavku donosimo sažetak osnovnih politika, stavova i postupaka koji osiguravaju da se u obavljanju revizijskih angažmana dosljedno održava visok nivo kvaliteta:

- Odgovornost uprave za kvalitet rada
- Etički zahtjevi
- Ljudski resursi
- Obavljanje angažmana

4.1. *Odgovornost Uprave za kvalitet rada*

Uprava Društva kontinuirano poduzima sve potrebne aktivnosti kako bi poslovanje Društva bilo prepoznato kao sinonim za kvalitet, neovisnost, objektivnost i etičko postupanje.

Svi radnici Društva redovno se educiraju i informiraju o važećim standardima i smjernicama, koje im pomažu u pružanju usluga visokog kvaliteta našim klijentima.

Uprava Društva svakodnevno i u svakoj prilici naglašava značaj očuvanja i unapređenja standarda kvaliteta na najvišem nivou.

4.2. *Etički zahtjevi*

Integritet i objektivnost, ugled i uspjeh Društva temelje se na profesionalnosti, integritetu i odgovornosti članova Uprave i radnika Društva.

Svaki radnik Društva obavezno potpisuje Izjavu o tajnosti i povjerljivosti podataka.

Svi radnici Društva obavezni su poštovati profesionalne etičke standarde, koji podrazumijevaju kompetentnost, integritet, objektivnost, postupanje s dužnom pažnjom, čuvanje povjerljivih podataka i profesionalno ponašanje.

Naši etički standardi u potpunosti su usklađeni s Etičkim kodeksom IFAC-a.

4.3. Neovisnost

Društvo u potpunosti poštuje pravila neovisnosti propisana revizorskim standardima i drugim relevantnim pravilima struke.

Društvo kontinuirano prati usklađenost sa regulatornim i profesionalnim zahtjevima, uključujući i one koji se odnose na neovisnost u odnosu na klijente.

Svaki klijent dobija Izjavu o neovisnosti, čime se dodatno potvrđuje posvećenost ovom principu.

4.4. Ljudski potencijali

4.4.1. Zapošljavanje

Načelo našeg poslovanja jeste da je kvalitet revizijskih angažmana u direktnoj vezi s kvalitetom zaposlenih. Zbog toga su usvojene politike i postupci koji osiguravaju da se zapošljavaju isključivo osobe s potrebnim znanjem, sposobnostima, kompetencijama i etičkim načelima, kako bi se angažmani obavljali u skladu sa standardima revizorske profesije i regulatornim zahtjevima.

4.4.2. Profesionalni razvoj

Edukacija radnika je stalan proces koji počinje od prvog dana zaposlenja i traje tokom cijelog radnog vijeka.

Naši radnici prolaze kroz različite formalne obuke, ali i kontinuirano uče kroz svakodnevni rad. Program edukacije obuhvata reviziju, računovodstvene osnove, kao i specijalizirana područja u kojima zaposleni djeluju.

Uprava Društva i ovlaštene revizori posebno su posvećeni razvoju uposlenika putem treninga, obuka, razmjene iskustava i stalnog nadzora.

Društvo poštuje profesionalne standarde koji određuju potrebnu učestalost i obim stručnog usavršavanja.

Ovlaštene revizori učestvuju u obaveznim seminarima i programima stručnog obrazovanja, što je uslov za obnavljanje licence za rad.

4.4.3. Nadzor i usmjeravanje

Ovlašteni revizori, u ulozi voditelja timova, odgovorni su za dodjeljivanje zadataka zaposlenicima sa odgovarajućim kompetencijama, te za određivanje obima nadzora i kontrole rada manje iskusnih članova tima.

4.5. Obavljanje revizije

Unutrašnje konsultacije među članovima tima predstavljaju važan segment kontrole kvaliteta. Definisane su procedure za slučajeve kada postoje različita mišljenja, kako bi se postigao konačan, usuglašen stav.

Menadžeri zaduženi za upravljanje rizicima aktivno učestvuju u postupcima prihvatanja i zadržavanja klijenata, kao i u procjeni nastavka saradnje i razmatranju drugih relevantnih pitanja.

Uprava Društva je uvjeren da opisani sistem kontrole kvaliteta u potpunosti odgovara svim važećim propisima i pruža razumnu osnovu za zaključak da su revizije finansijskih izvještaja, koje je Društvo provelo u prethodnoj godini, izvršene u skladu s najvišim standardima kvaliteta.

5. EKSTERNA PROVJERA KVALITETE RADA DRUŠTVA ZA REVIZIJU

Revizorska komora FBiH svake godine provodi indirektni nadzor nad poslovanjem Društva.

6. POPIS SUBJEKATA OD JAVNOG INTERESA KOD KOJIH JE DRUŠTVO IZVRŠILO REVIZIJU

Društvo je u toku 2025. godine nije vršilo reviziju finansijskih izvještaja za 2024. godinu klijenata koji imaju status subjekta od javnog interesa:

Ovo je prva godina našeg rada, te smo radili samo konsultantske usluge i jednu reviziju pravnog lica udruženje koje nije obveznik rada revizije.

7. IZJAVA O PROCEDURAMA I NEOVISNOSTI RADA DRUŠTVA

Uprava Društva ovom izjavom potvrđuje da je izvršen interni nadzor nad poštivanjem zahtjeva u vezi s neovisnošću.

Svi radnici Društva obavezni su pridržavati se strogih regulatornih i stručnih pravila koja se odnose na neovisnost. Ova pitanja kontinuirano se razmatraju tokom procesa prihvatanja klijenata, kako bi se osigurala potpuna usklađenost s profesionalnim standardima.

U skladu s odredbama Kodeksa profesionalne etike revizora i Zakona, radnici Društva u potpunosti poštuju zahtjeve koji se odnose na neovisnost, s ciljem sprječavanja sukoba interesa koji bi mogli ugroziti integritet, objektivnost i nepristranost u pružanju profesionalnih usluga klijentima.

8. IZJAVA O POLITICI DRUŠTVA ZA REVIZIJU U VEZI SA KONTINUIRANIM PROFESIONALNIM USAVRŠAVANJEM LICENCIRANIH OVLAŠTENIH REVIZORA

Društvo zapošljava ovlaštene revizore koji se kontinuirano stručno usavršavaju kroz:

- prisustvovanje seminarima i radionicama organizovanim od strane Revizorske komore FBiH;
- učešće na stručnim seminarima u okviru programa kontinuirane profesionalne edukacije pod nadzorom Saveza računovođa, revizora i finansijskih radnika Federacije BiH;
- kao i putem samoedukacije kroz stručnu literaturu i druge relevantne izvore.

Na ovaj način Društvo osigurava da svi licencirani ovlašteni revizori održavaju i stalno unapređuju nivo svojih znanja i kompetencija, u skladu s profesionalnim i regulatornim zahtjevima.

9. FINANSIJSKE INFORMACIJE O OSTVARENIM PRIHODIMA

Pregled ostvarenih prihoda u 2025. godini ima slijedeću strukturu:

1. Prihodi od revizijskih usluga:	5.000 KM
2. Prihod od računovodstvenih usluga	0 KM
3. Prihodi od ostalih usluga	35.999 KM
4. <u>Ostali prihodi</u>	<u>0 KM</u>
Ukupni prihodi	40.999 KM

**10. INFORMACIJE O PARAMETRIMA ZA UTVRĐIVANJE ZARADA
OVLAŠTENIH REVIZORA KOJI POTPISUJU IZVJEŠTAJE O
OBAVLJENIM REVIZIJAMA SUBJEKATA OD JAVNOG INTERESA**

Primanja ovlaštenih revizora koji potpisuju Izvještaje o obavljenim revizijama od javnog interesa, su regulisana pojedinačnim ugovorima o radu. Vlasnik ima pravo na isplatu ostvarene neto dobiti društva.

Sarajevo, 31.03.2026. godine



Društvo za reviziju „REVIZIJA FENIKS“ d.o.o.
Adisa Hajrić, direktor